

NDI A DIVHA

 Ri vhathu vho tondwaho zwihiulu nga u vha fhano matsheloni ano, u vha vha tshilaho kha lifhasi, u vhona tshiñwe tshifhinga tshihulu tsha Paseka. Paseka i dzulela u disa zworaloho zwa—zwa vhugala kha riñe, mafulufhelo ma swa. Huno—huno ndi zwihiulu hani!

² Huno musi ndi tshi tou dzhena ngomu rumuni murahu hafho matsheloni ano, muñwe muthu o ḥangana na nne nahone a ri, “Mukomana Branham, u a divha uri—uri lushie luṭuku, kana ñwana muṭuku kana muñwe muthu, o rabelelwa ngei Chautauqua ñwaha wo fhiraho, we a vha a tshi khou tea uri mbiul yawe i bviswe, na tsinga kana tshiñwe tshithu tshi lugiswe khadzo.” A ri, “Lushie lwo fhodzwa, nahone lu ngomu tshifhaṭoni matsheloni ano, zwavhuđi-vhuđi, nahone lwo dzula fhano ano matsheloni.” Ngauralo izwo zwe luga, ri do vha na vhutanzi vhutuku u bva khalwo khanwe phanda ha musi ri tshi dzhena kha inwe tshumelo. Huno ri tou vha vhathu vho takalaho.

³ Zwino ndi do humbela Mukomana Neville arali a tshi nga wana u vhalwa ha Linwalo la Mateo kana Luka, inwe, ya mvuwo, arali ni sa athu u i vhala. No no ralo, murathu? [Mukomana Neville u ri, “Hai.”—Mudz.] Ngauralo, musi ri tshi khou dilugisa u itela thabelo.

⁴ Huno zwino u tevhela ino tshumelo, hu do vha tshumelo ya phodzo. Murahu ha musi ino tshumelo yo fhela, zwenezwo ni ye kha vhuragane hanu. Zwenezwo, murahu ha izwo, ri do vhuya hafhu nga hafu u bva kha awara ya tahe nahone ra thoma inwe tshumelo. Huno zwenezwo dzitshumelo dza phodzo dici do tevhela izwo. Huno zwenezwo dzitshumelo dza ndovhedzo dza tevhela izwo.

⁵ Huno tshi tou vha tshifhinga tshavhuđi hani tsha ndovhedzo! Oo, nne nne! Mvuwo! Ndi ngazwo ro lovhedzwa, ngauri O vuwa hafhu.

⁶ Ndi a humbula phanda ha musi ri tshi wana ndovhedzo yashu fhano, ndo vha ndi tshi dzulela u vha isa fhasi mulamboni hafha, nga u ḥavhanya, nga matsheloni a phepho a rotholaho, nahone nda lovhedza vhathu fhasi mulamboni henefho. Hu na zwiñwe zwithu nga hazwo zwine, fhedzi, ndi tshifhinga tshikhethwa. Paseka, ndi tshifhinga tshihulwane.

Ndo vha ndi tshi khou lavhelesa kha Mukomana Pat Tyler o dzulaho afha.

⁷ Ndo vha ndi tshi khou amba na muñwe vhusiku ho fhiraho. Uri, muñgano washu wa u fhedza Oklahoma, ndo lingedza

u, ndi khou lingedza zwino (nahone ndi do divhadza izwi) u vhetshele thungo u swikela Mudzimu a tshi mmbidza uri ndi zwi ite, vhusumele hanga ha kale ha thalukanyo, ngauri ndi elekanya (mathomoni) ndi—ndi vhusumeli vhuswa vhu khou da.

⁸ Vhuñwe vhusiku, hu si na a no divha tshithu nga hazwo, ndo zwi lingedza kha ñwana a tshi khou da kha pulatifomo, o bebwa a bofu, lushie; nahone o vha o popula zwavhukuma, mutukana wa miñwaha i yelaho kha fumi-rathi. Huno nga u tou þavhanya a huwelela, "Mukomana Branham, ndi a vhona!" Huno heneffo, na Pat o vha a... Ty-... o ima tsini, tsini na mutukana, musi maþo awe a tshi vulea lwa u tou thoma kha vhutshilo hawe hoþe. Huno ngauralo ndi a fulufhela uri vhoiñwi fhano, na dzindavhelelo khulu, na nne mune, ndi khou lavhelesana na tshiñwe tshithu, uri Mudzimü a ri itele tshone, nahone a ri dise kha tshiñwe tshiimo u fhira he ra vha ri hone.

Kha ri kwatamise zwifhaþuwo zwashu zwino u itela thabelo.

⁹ Khotsi ashu o dalaho Tshilidzi wa Tadulu, sa musi ro kuvhangana matsheloni ano, fhano kha tshivhidzo tshiþuku thungo ha ndila, ri a U livhuwa zwiþulu, ngauri izwi zwoþhe zwi a amba kha riñe, nahone nga maanda nga matsheloni ano a Paseka. Arali ho vha hu so ngo vha na Paseka, ro vha ri tshi do vha ri si ho kha nyimele ine ra vha khayo ñamusi. Uri, Paseka ndi yone ine ya pfuñela pfulufhedziso dzoþhe dla Mudzimu. I dici khwaþhisedza kha riñe. Zwoþhe zwe A vhuya a fulufhedzisa, zwo itwa zwi tshilaho nga Paseka. Linwe la maduvha mahulwanesa a u pembela ane ri nga vha nao kha ñwaha! Huno ri do humbela, Murena, ñamusi, uri U khuthadze dzimbiþu dzashu musi ri tshi dzula, ro lindela, nahone fhasi ha ndavhelelo ya Muþa Mukhethwa, We wa da nga murahu ha Paseka, u da mbiluni dzashu nahone u ri khuthadza, na u vhuyedzedza lutendo lwashu, nga tshikalao tshihulu tsha maanda, uri ri kone u tshimbila vhutshilo vhune Yesu o ri tela uri ri vhu tshimbile.

¹⁰ Ri do rabelela muthu muñwe na muñwe, nga maanda havho vhane vho valelwa ngomu nahone a vha koni u swika kha dzitshumelo huñwe fhethu ñamusi. Mudzimu, i vha navho. Huno ngavhe—ngavhe ino Paseka vha tshi wana Paseka ya vhukuma u itela vhone, u vuwa kha mmbete, na mutakalo mu swa une a vha athu u vhuya vha u divha vhutshiloni. Zwi tendele, Murena.

¹¹ Ngavhe mureri muñwe na muñwe, mulanda muñwe na muñwe ane Wa vha nae u mona na shango ñamusi, ane a khou pembelela tshino tshihumbudzo tshihulwane, ngavhe vha tshi vha na u swela na nungo na Maanda, a u ñisa kha zwivhidzo zwavho (nngu dzo lindelaho) Zwiþiwa zwe Mudzimu a vhulunga u itela vhathu Vhawe. Zwi tendele, Murena. Ri lindela tshipida tshashu, nga u ñitukufhadza, nga Dzina la Murena Yesu Kristo. Amen.

¹² Ndi khou ya u tendela Mukomana Neville zwino uri a vhale Mañwalo a mvuwo. [Mukomana Neville u ri, “Mateo 28,” huno u vhala Luñwalo lu tevhelaho—Mudz.]

[*Mafheloni a savhatha, musi lo no thoma u tshela kha duvha la u thoma la vhege, ha da Maria Magadalina na munwe Maria u vhone tshalo.*]

[*Huno, vhonani, ho vha hu na mudzinginyo muhulu: ngauri muruñwa wa Murena o tsa a tshi bva ṭadulu, nahone a da a phigulusela tombo murahu u bva munangoni, huno a dzula khalo.*]

[*Tshifhañuwo tshawe tsho vha tshi tshi vhonala vhunga lúpenyo, nahone nguvho yawe i tshena vhunga mahada:*]

[*Huno nga nyofho dzawe mulindi a tetemela, nahone a nga vhanna vho faho.*]

[*Huno muruñwa a fhindula nahone a ri kha vhasadzi, ni so ngo Ofha: ngauri ndi a divha uri iñwi ni ṭodana na Yesu, we a vha o vhambwa.*]

[*Ha ho fhano: ngauri o vuwa, vhunga o amba. Ida, ni vhone fhethu hune Murena a edela.*]

[*Huno ṭuwani nga u ṭavhanya, nahone ni vhudze vhafunziwa vhawé uri o vuwa vhafuni; nahone, vhonani, u ṭuwa phanda hanu u ya ngei Galileya; heneffo ni do mu vhone: vhonani, ndo ni vhudza.*]

[*Huno vha ṭuwa nga u ṭavhanya u bva tshaloni vha na nyofho na dakalo lìhulu; nahone vha gidima u itela u isa ipfi kha vhafunziwa vhawé.*]

[*Huno musi vha tshi ya u vhudza vhafunziwa vhawé, vhonani, Yesu a ṭangana navho, a tshi ri, Mukhethwa. Huno vha da vha mu fara kha miledzhe, nahone vha mu losha.*]

[*Huno Yesu a ri khavho, Ni so ngo ofha: tshimbila ni ye u vhudza vharathu vhanga uri vha ye Galileya, huno heneffo vha do mmbona.*]

[*Zwino musi vha tshi khou ya, vhonani, vhañwe vha vhalindi vha da doroboni, nahone vha sumbedza vhotshifhe muhulu zwithu zwe the hezwi zwe zwa itea.*]

[*Huno musi vho kuvhangana na vhahulwane, nahone vho dzhia tsivhudzo, vha nea masole tshelede nnzhi,*]

[*Vha tshi ri, Ni ri, vhafunziwa Vhawé vho da vhusiku, vha mu tswa musi vho edela.*]

[*Huno arali izwi zwa da ndevheni dza muvhusi, ri do mu fhembeledza, na u mu tsireledza.*]

[Ngauralo vha dzhia tshelede, nahone vha ita uya nga he vha funzwa: nahone haya maambwa o divhadzwa kanzhi vhukati ha Vhayuda u swika na lino ḫuvha.]

[Zwenezwo vhafunziwa vha sumi-nthihi vha ya Galileya, kha thavha ye Yesu a vha vhudza yone.]

[Huno musi vha tshi mu vbona, vha mu losha: fhedzi vhañe vha timatima.]

[Huno Yesu a da a amba navho, a tshi ri, Maanda othe o newa nne a re ṭadulu na kha lifhasi.]

[Iyani-ha, ni funze tshaka dzothe, ni vha lovhedze dzinani ṥa Khotsi, na ṥa Murwa, na ṥa Muya Mukhethwa:]

[Ni tshi vha funza u lavhelesa zwithu zwithe zwe nda ni laya: huno, vbonani, Ndi na iñwi misi yothe, u swika na magumoni a shango. Amen. A hu na tshithu kha theiphi.]

¹³ . . . engedza dziphāṭhutshedzo Dzawe kha u vhalwa ha Ipfi Lawe.

¹⁴ Zwino ri do ri, u divhadza hafhu zwino, uri dzitshumelo, nahone dza matsheloni, dzi do bvela phanda nga hafu u bva kha awara ya ṭahe, musi ri tshi tou bva kha hezwi, ma . . . ino tshumelo ya matsheloni zwino. Huno zwenezwo ri vhidza izwi tshumelo yashu ya u ṭavha ha ḫuvha. Huno ro tou rali, ri na zwiñe zwa zwithu zwihiulu zwine ra tea u zwi divhadza kha iñwi nga ha—ha miṭangano yo fhiraho. Huno ri khou ṭoda iñwi vhane na khou lwaña na u ṭhuphea, vhoiñwi nothe, ni tshi da na lutendo matsheloni ano, u tenda uri hoyu Yesu o vuwaho u a tshila ñamusi, nahone Ha shanduki sa zwe A dzulela u vha zwone. Ha athu u shanduka na zwiṭuku-ṭuku.

¹⁵ Zwino ndi khou ṭoda u vhala tshipida tshiṭuku tsha Liñwalo hafha, u bva kha ndima ya 19 ya Yobo, u thoma kha ndimana ṭhukhu ya 15.

Avho vhane vha dzula nduni yanga, . . . vhashumi vhanga vha nduni, vha mmbala sa mutsinda: ndi a sili maṭoni avho.

Ndo vhidza mulanda wanga, huno a si nkharavhe; ndo mu humbela nga mulomo wanga.

Mufemo wanga ndi u sili kha mufumakadzi wanga, naho ndo humbela u itela vhana vha ñama yanga.

Ee, vhana vhaṭuku vha a nnyadza; ndo vuwa, nahone vha amba vha tshi lwa na nne.

Khonani dzanga dzothe dza tsini dzo mmbenga: nahone avho vhe nda vha funa vho shandukiswa uri vha lwe na nne.

*Marambo anga a ḥambatela lukanda lwanga na ḥama
yanga, nahone ndo sala na lukanda lwa maṇo anga.*

*Mpfele vhuṭungu, mpfele vhuṭungu, Oo vhoiṇwi
dzikhonani dzanga; ngauri tshanda tsha Mudzimu tsho
nkwama.*

*Ndi ngani ni tshi ntovhola sa Mudzimu, nahone vha si
fushwe nga ḥama yanga?*

*Oo uri maipfi anga zwino o vha o ḥwalwa! oo uri o vha
o ḥambatedzwa ngomu buguni!*

*Uri o vha o ḥwalwa nga pheni ya mutobvu nahone a
dzula kha tombo lwa tshoṭhe.*

*Ngauri ndi a divha... murengululi wanga u a tshila,
na uri u ḥo ima ḥuvhani ḥa u fhedza kha lifhasi:*

*Huno naho nga murahu... dzimbungu dza lukanda
dza tshinyadza uno muvhili, fhedzi ḥamani yanga ndi
do vhona Mudzimu:*

*Ane nda do mu vhona nga nne muṇe, . . . maṇo anga a
do mu vhona, huno hu si maṇwe; naho vhuvhusi hanga
ha fhedzwa ngomu hanga.*

¹⁶ Ndi do tama u dzhia u itela ḥiṇwalwa hafho, u bva kha hoyu Yobo 19. *Ndi A Divha.*

¹⁷ Khotsi muhulwane nga hetshi tshifhinga o vha a zwiṇwe-vho vhunga zwine ra vha ḥamus. O vha a kha khakhathi khulu, sa musi ri tshi zwi vhidza, “maṭhupho a kondaho,” nahone o vha o hanganea. Maḍuvha manzhi o vha a tshi dzula kha thulwi ya milora, nahone o vha a tshi khou lingedza u wana maipfi a u mu khuthadza, a tshi khou lingedza u wana tshiṇwe tshithu tshine tsha do mu fha ḥuthuwedzo, na tshiṇwe tshithu tshine tsha do—tsha do vha khuthadzo khae musi o vhona vhatshilo hawe vhu tshi khou ḥuwa khae.

¹⁸ Tsha u thoma, o vha a mukalaha, u ya kha miṇwaha ya fuṭahe, nahone o vha o rwiwa nga tshanda tsha Mudzimu. Zwino, ri a divha uri Mudzimu ha ngo mu kwama nga tshanda Tshawe, fhedzi Mudzimu o tendela Sathane a tshi mu kwama. Mudzimu u tou vha fhedzi na vhashumeli vha u ita zwithu. Mudzimu u ya toda zwivhi zwi tshi itwa, U tou vhofholola Sathane uri a zwi iṭe. Huno arali a tshi khou ḥoḍa zwivhuya zwi ḥshi itwa, U na vhalanda Vhawe vhane A vha vhofholola vha zwi ita.

¹⁹ Huno Sathane o kwama Yobo hu na ndivho, u mu linga, ngauri ene na Mudzimu vho vha na ḥathisano. Huno Mudzimu o vhudza Sathane uri, “Ndi na mulanda kha lifhasi, a hu na a fanaho nae. Tshini na tshini tshine nda mu vhudza, u ḥo tshi ita. Ndi munna o khunyelelaho, nahone munna wa u luga.”

²⁰ Huno Sathane a ri, “Arali wa nga tou ntendela nda vha nae, Ndi ḥo mu ita uri a U seme Tshifhaṭuwoni Tshau.”

²¹ Yobo, a sa ñivhi uri izwi zwithu zweþhe zwi khou itea, zwa ñisa khotsi muhulu kha u þuphea huhulu. Fhedzi, nga iñwe ndila, musi zweþhe two mu þutshela, o isa phanda na u fara vhuimo hawe kha—kha Kristo. “Ndi a ñivha Murengululi wanga u a tshila,” o ralo.

²² Zwino ri a ða afho fhethu. Roþhe ri a ralo. Huno ndi a tenda izwo ñamusi, uri ro kuvhangana fhano u itela tshiñwe tshithu tshi ngaho ila ndivho nthihi. Roþhe ri kha dzithulwi dza milora. Ri na mathada ashu, na u gonya na u tsa hashu, na zwashu—zwasu zwikhala two vhifhaho, na malwadze ashu, na u reñwa nga mbilu hashu, na u dinalea hashu. Ngauralo ri ða vhunga izwi, nga matsheloni, ano matsheloni a Paseka, u wane maipfi a khuthadzo, sa Yobo we a vha a tshi khou lingedza u wana kha dzikhonani dzawe.

²³ A hu na na muthihi wavho we a mu fha khuthadzo. Nga nthani ha thaidzo yawe, vho vha vha tshi khou mu pomokedza uri u muitazwivhi wa tshiphirini. Zwenezwo, vhukati ha thaidzo dzoþhe, Mudzimu a ða u mu lamulela.

²⁴ Yobo o vha a tshi khou vhudzisa. Vhunga o ñivha, hu si fhedzi vhulwadze hawe na zwilonda zwawe, na thaidzo na u reñwa nga mbilu, nga u lozwa muþa wawe na lupfumo lwawe lwoþhe, o vha a tsini na u dzhia vhutshilo hawe; fhedzi o vha a mukalaha, o anda kha miñwaha, nahone a tshi ñivha uri o vha a tshi khou tsa vhidani. Huno, nga u ñivha izwo, o tenda uri ho vha na muñwe muþhu we a mu ñisa kha liphasi, ha ngo sokou ða fhano nga ene muñe. Huno o ñivha uri u bva kha khotsi na mme, fhedzi, two di ralo, havho khotsi na mme vho tea u vha na muñwe muthu o vha disaho. Huno zwi ðo tandululeya u ya murahu kha zwavhukuma, “Ndi nnyi o ðisaho wa u thoma, muthihi?”

²⁵ Huno zwenezwo a kanuka izwi. “Ndi zwithu zwi so ngo doweleaho uri nne ndi fhano, ndi tshi mona mona, vhutshilo ha nthu u fhira zwine phukha ya vha zwone, na vhutshilo ha nthu u fhira vhutshilo ha zwimela.” Fhedzi zwodiralo ri wana uri o ri, “Arali muri wa fa, u ðo tshila hafhu. Huno arali lone—lone liluvha la fa, li ðo tshila hafhu.” Fhedzi a ri, “Muthu u edela fhasi, mufemo wa þuwa, huno u gai? Murwa wawe a ða u mu liliša na u ita khuliso, huno a si zwi þalukanye.” Huno o vha a tshi khou kanakana, “Thaidzo ho vha hu mini uri—uri Mudzimu a tshi litscha vhutshilo vhu nga ho uvho ha tshila hafhu, sa maluvha na zwimela, fhedzi muthu a sa koni u tshila hafhu?” Zweþhe hezwi two mu thithisa.

²⁶ Huno arali ra ola phendelo kha hezwi matsheloni ano. Huno hezwo ndi zwine ro ðela zwone fhano. Ro pfa tshiþori tsha Paseka, u dovhola na u dovhola, na u vhala murahu na phanda; huno ñamusi, kha nyandadzo dzañu dza radio, ni ðo pfa vhashumeli vho fhambanaho vha tshi amba nga hayo. Fhedzi zwine ndo elekanya, kha tshigwada tshiþuku tshanga ano

matsheloni, tshe Murena o nnea, ndi do zwi amba nga vhuimo ho fhambanaho arali ndi tshi ngā tou ralo, u da fhethu ha: Ndi ngani ri tshi da kha aya mathada? Ndi mini tshine tsha ita uri izwi zwithu zwi de? Ndi ngani Mukriste a tshi tea u hanganeiswa? Ndi ngani zwithu zweithe zwi sa koni u, zwi sa sokou tshimbili lwo khunyelelaho kha Mukriste? Fhedzi a zwi tou ralo, nahone ri a zwi divha.

²⁷ Huno tshiñwe tshifhinga ri a vha na mathada manzhi musi ri tshi vha Mukriste u fhira musi ri tshe vhatazwivhi. Ngauri, Zwo nwaliwa, “Manzhi ndi mathupho a vhavhuya, fhedzi Mudzimu u mu phulusa kha othe.” Mudzimu o fulufhedzisa mathupho manzhi, vhudipfi vhu so ngo doweleaho, na zwithu zwi so ngo doweleaho zwine zwa do fhira kupfesesele kwashu, fhedzi zwi dzulela u itelwa zwivhuya zwashu. Ri tou vha ri sa koni u zwi pfectesa, ngauri, arali ra ralo, zwenezwo kha riñe zwi do vha zwi si lutendo; ri do ya na u pfectesa. Fhedzi ri a zwi ita, nahone ri nazwo, nahone ri tenda nga lutendo, Ipfì Lawe, uri zwi khou ya u shuma zwiñwe zwithu zwavhuđi u itela rine. Arali ra nga tou gavha hezwo ñamusi, kha hezwi—matsheloni ano. Arali ra nga tou gavha uri thaidzo dzashu dzothe... Nahone a hu na muñwe washu o tsireledzeaho khadzo. Huno arali ra nga limuwa uri hezwo zwithu zwi khou vhuyedza riñe!

²⁸ Zwo nwaliwa, kha lunwe lwa Maiwalo kha Biyhili, uri, “Milingo i diswaho kha riñe, ndi ya ndeme u fhira musuku wone une, ngauri ndi Mudzimu a tshi khou ri nea milingo.” Murahu ha musi ri tshi vha zwishumiswa Zwawe, u dibula hashu na ndovhedzo yashu, na pfulufhedziso dzashu dza u tshila kha vhutshilo u itela Ene, zwenezwo malingo muñwe na muñwe une wa da kha riñe ndi wa u ri khunyeleisa u itela vhugala Hawe. Ndi ya u ri disa fhethu hune Mudzimu a nga Diita luvhonalaho kha riñe u fhira zwe A vha a zwone phanda ha musi mulingo u tshi da.

²⁹ Ndi khou toda u vha murada matsheloni ano na Yobo, u amba uri ndo tshila lwo edanaho u divha uri izwo ndi Ngoho. Ndo zwi vhona vhutshiloni hanga, uri tshifhinga tshothe nyimele khulu dzi tshi takuwa, dzine a thi koni u ya matungo hadzo, kana fhasi hadzo kana ntha hadzo, Mudzimu u a ita ndila, nahone nda bva ndi wa vhugala. Ndi tou kanakana uri tshilidzi Tshawe tshi zwi ita hani, fhedzi U a zwi ita.

³⁰ Huno humbulani, kha hezwi zwithu zweithe, Sathane u lingedza uri nea mazhuluzhulu, na u ri kwatisa, uri ri elekanye, “Oo, ndi ngani izwi zwo itea? Ndi ngani ndi so ngo vha vhunga izwi?”

³¹ Mađuvha mađuku o fhiraho musi ndi tshi bva ha vhudisa, fhethu ho nakaho zwavhukuma hune ndo no vhuya nda hu vhona vhutshiloni hanga hothe, ho vha hu tshifhađo tshihulu tsha murathu washu, Oral Roberts. Musi ndi tshi vhona ila

mavhulu yo omaho, nahone hu si na fasiṭere khayo na luthihi, fhedzi uri tsho vha tsho dzudzanywa hani! Huno ndo no ya Hollywood nahone ndo no ya kha dzipfamoni dza dzikhosi, nahone ndo no ya huñwe na huñwe hune ndo kona, hothe, u mona na shango, zweṭhe zwa mavhaivhai, fhethu hu funeaho nahone hayani, fhedzi a thi athu u vhona tshithu na tshithihi, huñwe fhethu, hu vhambedzeaho, na ho, a hu na fhethu na huthihi. Daraṭa ḥukhu dza mutobvu dzi ṭanganya hani afho—afho ngomu hothe, huno, oo, a thi athu u vhona tshiñwe tshithu tsho nakaho ngauralo vhutshiloni hanga hothe. Musi ndi tshi tshimbila nga heneffo, nahone nda dzhia zwanda zwanga nda phuphuledza idzo phuphu, na—na giranathi khulu; zweṭhe zwi kha tshivhumbeo tsha vhuraru ha Khotsi, Murwa, na Muya Mukhethwa, tshone—tshone tshivhumbeo tshazwo. Zweṭhe hezwo zwithu! Ndi khou bva kha Mukomana Tommy Osborn, nda vhona mihulu yawe, mushumo wa maandha heneffo wa Murena.

³² Nda ima nga nn̄da, nda lavhelesa murahu kha tshifhaṭo, huno nda elekanya, “Mudzimu, ngoho-ngoho ndo no vha mudziamuhoyo, ngoho-ngoho ndo no vha o landulwaho, huñwe fhethu; ngauri, hovhu vhushumeli ha havha vhanna vhu bva kha hanga.” Huno nda elekanya, “Ndi ngani? Khañwe ndi tou vha a sa fulufhelei, Murena, uri U sa kone u mpfulufhela nga tshiñwe tshithu tshi ngaho itsho. Na zwiṭuku zwazwo, dolara dici si gathi dze Wa ntendela ndi tshi badelā mafulo na zwiñwe, zwino vha khou lingedza u nthumela kha tshigwevho nga n̄thani hazwo. Huno ndi ngani ndi mudziamuhoyo o raloho, kana ndi ngani ndi muthu a sa fulufhelei?”

Ndo vha ndi kha thulwi ya miłora, sa Yobo wa kale.

³³ Musi ndo ima nn̄da heneffo, ndi sa koni na u fema, u bva kha zwezwo zwiñhulu; uri mutukana wa tshishai o bebelwaho fhethu ha fhasi, Mupentekostała, a tshi nga ita na u disa izwo kha tshifhaṭo tshihulu tsha maimo. Huno nda elekanya, “O Mudzimu, khañwe a tho ngo fanelwa.”

³⁴ Hu tshe zwezwo Ipfi ḥituku la tsela fhasi nga kha mbondo dzo valeaho, huno ḥa ri, “Fhedzi Ndi tshipiḍa tshau.”

³⁵ Zwenezwo nda elekanya, “O Murena Mudzimu, oo, litsha izwo zwi dzule nga yeo ndila, zwenezwo, Murena. Ndi... ngauri ndo vha ndi nga si vhe na vhuṭali ha u isa phanda mushumo muhulu u nga ho uyo u itela Iwe. Huno ndi tou vha muthu a so ngo funzeaho. Fhedzi, sa musi Iwe u tshipiḍa tshanga, ndi Wau, nahone U do nthanga phanda. Ndi nga si kone u diranga phanda. Fhedzi, O Murena, nthange!”

³⁶ Ndi hedzo awara dza shishi dzine dza ri kokodzela kha iyo miṭavha mikhethwa. Zwo vha zwi Biyhilini. Huno humbulani, hu si na ndavha uri u ḥupheea zwi huhulu hani, Saṭhane a nga si džhiye vhutshilo hanu u swikela Mudzimu o no fhedza nga iñwi.

A hu na tshine tsha nga itea kha iñwi nga nnda ha musi Mudzimu o tshi tendela. A hu na vhuvhi vhune ha nga ða nga nnda ha musi Mudzimu o vhu tendela. Huno ndi u itela iñwi musi A tshi ita izwo. A ri elekanywe.

³⁷ Hafho musi midalo i tshi ða u tshinyadza shango, yo vha i nga si tshinyadze Noaxe. Noaxe ò vha a nga si tshinyadzwe, ngauri Mudzimu o vha a na mushumo wa uri a ite.

³⁸ Liñwe ñuvha, kha lushaka luhulu fhasi ha vhupuli, ho vha hu na vhañwe vhana vha Vhahevheru vhane ra vha divha sa Shadrach na Meshach na Abedinego. Huno zwo ða fhethu hune vho vha vha tshi khou tea u dzhia tsheo, uri tshiñwe tshithu tshi khou tea u itwa. Vho vha vha na . . . Lwavho—lwavho—lwavho lutendo lwo vha lu tshi khou lingwa.

³⁹ Huno musi lutendo lwanu lu tshi khou lingwa, zwenezwo ni so ngo balelwa. Imani na zwine na tenda.

⁴⁰ Huno musi vho livhanywa, lutendo lu tshi khou lingwa. Huno vha ya kha awara ya ndeme. A vho ngo ya fhedzi kha—kha yone thulwi ya milora, fhedzi vho ya kha dzivha ña mulilo. Fhedzi Sathane o vha a sa koni u vha tshinyadza, ngauri ndivho ya Mudzimu yo vha i sa athu u vuledzea. Vho kona u dzhena ngomu afho na heli fulufhelo, “Ndi a divha Murengululi wanga u a tshila!” Vho kona u dzhena ngomu afho na heli fulufhelo hafha, “Ri na vhuñanzi uri Mudzimu u a kona u ri ñamulela kha heli dzivha ña mulilo, fhedzi, naho zworalo, a ri nga gwadameli itshi tshifanyiso.”

⁴¹ Sathane o vha a nga si vha dzhie. O vha a nga si nuvhedze Noaxe kha muðalo, u swikela ndivho ya Mudzimu yo ño fhela. O vha a sa koni u fhisa vhana vha Vhahevheru, u swikela ndivho ya Mudzimu yo no fhela. O vha a sa koni u vhulaha Yobo nga zwilonda na mathada, u swikela ndivho ya Mudzimu yo no fhela. Hafhu-ha na dzindau dzo vha dzi nga si ñe Daniele, u swikela ndivho ya Mudzimu yo no fhela. Hafhu-ha na lufu na miñwaha minzhi zwo vha zwi nga si dzhie Abrahamu, u swikela ndivho ya Mudzimu yo no fhela.

⁴² Huno hafhu-ha zwi nga si kone u dzhia iñwi, kana u dzhia nne, u swikela ndivho ya Mudzimu, ya vhutshilo hashu, i tshi fhela. Ngauralo, ri kuvhangana u bva benefho, khuthadzo.

⁴³ Huno ndi ngani Mudzimu a tshi tendela mathada a tshi ða? Mudzimu u langula thaidzo, a vhea muhala kha mulomo wadzo nahone a ita ayo mathada a ri sendedza kha vhuñedzani vhu re tsini na Mudzimuuri dzi ñhonifhe Ene, nahone h.

⁴⁴ Ho vha hu si na musengavhadzimu u swika mudalo u tshi ða. Fhedzi murahu ha musi Noaxe a tshi kokodzelea kha nyimele ye a vha a khayo, u papamala lwa maðuvha a fuñna na masiku, kha ñumbu, na gungwa ñituku ñi tshi tsa na u gonya ngomu maðini; ho vha murahu ha musi mudalo wo no fhela, hune o vhona musengavhadzimu lwa u tou thoma, mulanga wa fulufhelo,

mulanga wa pfulufhedziso. Murahu ha musi o fhira nga kha maṭhupho, zwenezwo a vhona pfulufhedziso.

⁴⁵ Heyo ndi yone ndila ine na vhona pfulufhedziso, murahu ha musi no fhira nga kha maṭhupho. Ndo takalela tshīla tshirendo, kana phisalema:

Naa ndi tea u takulelwa hayani Tađulu
Nga mmbete wa maluvha u leluwaho,
Musi vhañwe vho lwela u wana gundo ḥa
tshiphuga
Vha ela kha malwanzhe a malofha?

⁴⁶ Ri humbela khuthadzo na mulalo. Mudzimu u ri ̄nea zwa khwiñe zwine A nga ri ̄nea, milingo na maṭhupho. Hezwo zwi khwiñe u fhira khuthadzo na mulalo. Khuthadzo yashu i seli ha mulambo.

⁴⁷ Ho vha hu musi vhana vha Vhahevheru vha tshi kombetshedzelwa ngomu dzivhani ḥa mulilo, kha muñwe wa milingo yavho mihulwanesa, he vha vhona Muñwe a nga ho Murwa wa Mudzimu o ima vhukati havho. Mathada avho o bveledza Murwa wa Mudzimu o ima vhukati havho, kha mimuya, u vhudzulela kule mufhe u fhisaho. Fhedzi a zwi ngo itea u swikela vha tshi dzhena ngomu muliloni hune Mukhuthadzi a bvelela.

⁴⁸ Ho vha hu Daniel we a vha a na ndivho mbiluni yawe ya uri ha nga do ditshikafhadza nga zwithu zwa shango, nahone a kombetshedzelwa kha mulingo, uri arali a tshi do rabela Mudzimu kana a dzhena bakoni ḥa dzindau. Fhedzi ho vha hu murahu ha musi mufhiso wo ̄diswa, huno a poswa bakoni ḥa dzindau, uri, murahu ha izwo, o vhona Muruñwa wa Murena o ima vhukati hawe, a tshi khou thudzela kule, heila Khavhu ya Mulilo khulwane yo ima vhukati hawe na dzindau. Huno dzindau dza balelwā u mu swikelela, ngauri o fhira nga kha milingo na u lingwa na mathada. Huno o zwi ̄divha uri Mudzimu wawe o vha a tshi kona u mu phulusa kha izwo.

⁴⁹ Ho vha hu Abrahamu, murahu ha musi o vhona mavu a sa an̄wi, nahone gomelelo ḥa da, huno Loto a ̄difhandekanya nahone a ya u tshila zwavhuđi shangoni. Ho vha hu murahu ha musi o pfa u gomela na zwililo zwa—zwa vhalisa vha dzinngu dzawe, vha si na mahatsi a kholomo dzawe, fhedzi o dzula kha shango le Mudzimu a mu ̄nea nahone a mu vhudza uri a ye khalo. Huno u bva ilo ̄duvha, murahu ha musi o no lingwa u swika musi—musi u lindela hu tshi swika magumoni, ho vha hu nga heļo ̄duvha hune, hune musi mulingo wo fhela, o amba o livhana tshifhađuwo na Elohim fhasi ha muouku heļiya ̄duvha. Ho vha hu murahu ha musi o tambula nga milingo yawe, murahu ha musi a tshi fhira nga kha mathada ane o fhira khao, hune Mudzimu a ̄divhonadza khae nga tshivhumbeo tsha Muthu; huno a dzula henefho a mu vhudza uri o mala nahone dzina ḥa mufumakadzi wawe ndi Sara,

huno a ri o Mu sea, kha denndeni li re nga murahu. Ho vha hu heneffo he Abrahamu a Mu vhidza “Elohim.” Ho vha hu murahu ha mulingo na thupho.

⁵⁰ Oo, arali Tshivhidzo tsha nga tou vutshela kha Tshone tshiñe ñamusi, u wana uri murahu ha mathada na milingo, na u sewa na u tambiwa ngatsho, zwithu zwine Tshivhidzo tsho fhira khazwo, Tshivhidzo tsha pentekostala; uri ri vhona Mudzimu vhukati hashu, a tshi ita zwiga zwiñulu, na vhuçolo.

Murahu ha thambulo na mathada a ñuvha,
Murahu ha musi zweþhe zwe fhela,
Zwenezwo ri ðo fhedza ro vhona Yesu.

U ðo vha o nndindela,
Yesu wavhudí nahone wa ngoho,
Kha khulunõni Yawe ya vhudi,
U ðo ri þanganedza Hayani
Murahu ha musi ñuvha lo fhira.

Musi hu tshi kha ñivha ñuvha, a ri shume.

⁵¹ Havha vhanna vhothe, hezwo zwi ðo dzhia zwinzhi zwa tshumelo yashu ya matsheloni, nda thoma u amba izwo. Vho fhira nga kha milingo, nahone vha vhona Mudzimu. Vho fhira nga kha milingo, nahone vha vhona Vharuñwa. Vho fhira nga kha milingo; na dzinzumbululo, nahone vha vhona zwiga na vhuçolo, na zwiñwe.

⁵² Fhedzi, oo, a hu na na muthihi wavho we a vhona zwe Yobo a vhona. Havho vhanna vhothe, murahu ha u vhona Vharuñwa, na u vhona Mudzimu na hezwi zwithu zweþhe, a vho ngo vhuya vha vhona tshiñe we tshithu tsha u vha ñea fulufhelo seli ha tshalo. Fhedzi Yobo o vhona mvuwo! O vhona Paseka. O vhona tshithu tshire tsha khuthadza mbilu iñwe na iñwe. Zwenezwo musi o ralo, “O uri maipfi anga a gandiswe kha bugu! O uri a ñwalwe nga pheni ya mutobvu, kha tombo!”

⁵³ Ni a vhona, zwi, tshiñe we na tshiñe we tsho vha tsho mu shandukela. Vhawe, na vhalanda vhawé vho vha sa ambi nae. Mufumakadzi wawe o vha a mutsinda. Heneffo a dzula, kha thulwi ya miñora, ila milingo miñulu. Huno zwenezwo tshivhidzo tsha ða, nahone tsha mu shandukela, lwa maðuvha a sumbe. Huno hu si na wa u mu khuthadza!

⁵⁴ Zwenezwo a nga vha o vhona bono la Paseka, musi a tshi lila, “Ndi a ñivha Murengululi wanga u a tshila, nahone maðuvhani a u fhedza U ðo ima kha lifhasi. Ndi a ñivha! O uri maipfi anga o vha o ñwalwa nga pheni ya mutobvu, kha tombo, uri maipfi anga a si lovhe, ngauri ndi a ñivha Murengululi wanga u a tshila! Ndi a ñivha! Ndi a ñivha!”

⁵⁵ U ñivha mini, Yobo? “Ndi a ñivha Murengululi wanga u a tshila.” Naa no zwi limuwa, hu si uri ho vha hu na Muñwe a no khou tshila fhedzi O vha a Murengululi kha Yobo!

⁵⁶ Oo, kha hu rendwe Dzina ḥa Murena. Ndo takala vhukuma uri ndi tshipida tsha Paseka, uri ndi tshipida tsha mvuwo! Nahone ri tshipida tshazwo matsheloni ano, ngauri ngomu hashu hu dzula vhula Vhutshilo ha mvuwo (zwine hezwo ndi, mubadekanyi) vhune ho disa Paseka. “Ndi a divha uri Murengululi wanga...” Naa ni divha mini? A thi khou tou zwi bvumbela; ri na u bvumba hunzhi ḥamusi. “Ndi a divha Murengululi wanga u a tshila!” Ee, muṇe wanga.

⁵⁷ Zwino o vha A nnyi? Arali A tshi tshila, O vha a Murengululi kha Yobo. “Wanga,” kha ene muṇe, *wanga*, “Murengululi wanga u a tshila!”

⁵⁸ Huno ndi zwifhio zwiṇwe zwine wa divha, Yobo? Ndi mini zwe wa vhona kha ilo bono? “Huno mađuvhani a vhufhelo, U do ima kha lifhasi. Huno naho dzimbungu dza lukanda dza tshinyadza muvhili wanga, fhedzi ḥamani yanga ndi do vhona Mudzimu, Ane nda do mu vhona nga nne mune. Ndi a divha Murengululi wanga u a tshila, nahone U do ima ḥuvhani ḥa u fhedza kha lifhasi. Naho u vhusa hanga ha fhedzwa ngomu hanga, naho dzimbungu dza lukanda dza tshinyadza muvhili wanga, fhedzi ḥamani yanga ndi do vhona Mudzimu.” Nga heneffho ho vha hu na bono lihulusa.

⁵⁹ Daniele o vhona Muruṇwa. Vhana vha Vhahevheru vho vhona Murwa wa Mudzimu. Noaxe o vhona musengavhadzimu. Abrahamu o vhona Mudzimu, o livhana tshifhaṭuwo. Fhedzi, Yobo o vhona mvuwo, Yobo o lavhelesa phanda. Vhokhotsi vhahulu vhothe na vhakhethwa vhahulu, vha Bivhili, vho sedzana na ilo duvha; na khuthadzo, nga kha mabono avho, nga kha nzumbululo dzavho, uri hu do da tshifhinga tsha mvuwo.

⁶⁰ Zwino ri vhona mishumo mihulu i tshi khou itea. Ri vhona maanda mahulu a Mudzimu. Ri vhona zwithu zwiḥulu zwine A nga ita. Ni nga si lavhelese kha ḥuvha na—na sa divhe uri ayo ndi Maanda a Mudzimu ane a disa ilo shango u mona na ḥuvha. Ni nga si vhona tshifhinga tsha tshifhefho tshi da ni sa divhe uri ho vha hu na Mudzimu. Ni nga vhona u fhodzwa ha maṭo o populaho, ndevhe dzo dzingaho, na divha uri ndi Mudzimu. Fhedzi two vha zwi tshi do vha hani arali hu tshi tou vha izwo fhedzi, nahone murahu ha musi ri tshi fa ra vha ro phela? Fhedzi mvuwo, Paseka, oo, hezwo ndi zwone zwine two pfumela tshiṇwe na tshiṇwe tshe Mudzimu a vhuya a tshi fulufhedzisa, ho vha hu mvuwo.

⁶¹ Huno vho tewa nga u vha na u vhambwa, phanda ha musi ni tshi nga vha na mvuwo. Huno phanda ha musi Tshivhidzo tshi tshi nga kona u vhona Maanda a mvuwo, phanda ha musi ndi tshi nga vhona vhushumeli vhuswa vhu tshi itea nne mune, phanda ha musi ni tshi dzhena kha vhuledzani vhuswa na Mudzimu, hu khou tea u vha na u vhambwa ha iñwi muṇe uri hu kone u vha na mvuwo. Ri khou tea u fa kha dzinglekanyo dzashu, u fa kha

dzindila dzashu, u fa kha tshiñwe na tshiñwe tsho ri tangaho, ra fhira nga kha milingo na mat̄hupho, uri ri kone u vhona mvuwo ntswa, Vhutshilo vhuswa. Phanda ha musi muitazwivhi a tshi nga vha Mukriste, hu tea u da lufu, ha kona u da mvuwo.

⁶² Phanda ha musi Abrahamu a tshi nga vhona Elohim, ho tea u vha na miñwaha ya fumbili-θanu ya u lingwa. Phanda ha musi vhana vha Vhahevheru vha tshi nga vhona Murwa wa Mudzimu, vho tea u fhira nga kha dzivha la mulilo. Phanda ha musi Daniele a tshi kona u vhona Muruñwa, o tea nga u dzhena bakoni la dzindau. Phanda ha musi Yobo a tshi nga vhuya a vhona mvuwo, o tea u dzhena ngomu nahone a lozwa tshiñwe na tshiñwe tshe a vha a natsho; fhedzi zwenezwo, nga bono, o vhona!

⁶³ Huno arali Yobo nga bono a tshi nga ima o khwaθha kha pfūlufhedziso, riñe ri tea u ita zwingafhani, murahu ha musi Kristo o vuwa vñafuni nahone a vha Mitshelo ya u Thoma ya avho vho edelaho, nahone a rumela Muya Mukhethwa murahu sa pfundo la pfūlufhedziso, kha riñe, uri na riñe-vho ri do tshila. “Ngauri Ndi a tshila, ni a tshila-vho!” Ni tshi vhona Vhuhone Hawe vñuhulwane vhukati hashu, vhu tshi khou shuma, vhu tshi ita zwiga zwithihi na vñutolo he A ita kha liphasi, zwi tshi ri nea fulufhelo. Huno ri da kha mvuwo, huno zwenezwo ra dzula kha dzithulwi dza milora yashu? A ri bve kha thulwi ya milora ñamusi, na bono liswa, na Maanda maswa, na u ñivhudza huswa uri ri vhona Mudzimu kha Maanda Awe. Ri vhona mvuwo ya zwithi i tshi khou da.

⁶⁴ Ri kha tshifhinga tsha lufu. Ro dzula minangoni ya lufu. Dzitshaka dici minangoni ya lufu.

⁶⁵ Russia yo wanulusa tshiñhavhane tshiswa zwino, sa musi ñoñhe no zwi pfa kha radio na zwiñwe. A vha tei u tou da afha vha hu thuthubisa nga bomo. Vha nga tou ñisa tshithu tshiñuku hafha, huno vha dzhena vhukati ha ñholi dzavho, nahone vha shasha zwithu zwiñuku kha lushaka luñwe na luñwe, huno muñwe na muñwe u do holefhala lwa awara dza fumbili-inä. Vha dzhena nahone, musi ni tshi vuwa, na wana Murussia a tshi khou ni raha kha murumbu, mulindi muhulwane wa Russia a tshi khou dzhia haya hanu, a tshi khou shumisa mufumakadzi wanu, a tshi posa vhana vñanu nnnda tshiñarañani, nahone vha tshi dzhia haya hanu. Vha nga zwi ita. Vha nga si xeelwe nga tshithu na tshithihi. Vha nazwo. A hu na a ñivhaho uri ndi mini. Ni a vhona, tshiñwe na tshiñwe tshi khou shumisana. Zwino vha nga shumisa izwo nahone vha si zwi ofhe, ngauri a hu na muñwe a re nazwo.

⁶⁶ A ri ñivhi uri zwi do da hani, uri hu do itea mini. Fhedzi ri ñivha tshithu tshithihi, uri ri kha thulwi ya milora. Lushaka, lu kha thulwi ya milora. Shango li kha thulwi ya milora.

⁶⁷ Huno ngauri shango li kha thulwi ya milora, ndo takala zwinzhi uri Muya wa Mudzimu u nga da, nahone ri nga ri, “Ndi

a divha Murengululi wanga u a tshila, nahone nga ḋuvha la u fhedza U do ima kha lifhasi!" Linwe ḋuvha U do vhuya! Ngazwo murendi o nwala:

U tshila, O mpfuna. U fa, O ntshidza.
U swiṭwa, O hwalela kule zwivhi zwanga.
U vuwa, O ita o lugaho mahala lwa lini na lini.
Linwe ḋuvha U do vhuya, oo, ḋuvha la
vhugala!

⁶⁸ Zwo dzhia Getsemane, ya marotha a Malofha a tshi khou bva kha lukanda Lwawe, phanda ha izwo. Huno zwo dzhia ṭhupho lihulu la Khalivari, phanda ha musi hu tshi nga da thanzielo ya Mudzimu wa Lini na lini Ane a kona u vusa vhafu. Zwo dzhia yone—zwo dzhia Getsemane na Khalivari, u ita Paseka. Zwo itea nga u tou ralo.

⁶⁹ Hani uri avho vhaapostola, nga ala matsheloni, musi vho nyamiswa zwihihulu, u swikela Petiro a tshi ri, "Ndo nyama zwihihulu, ndi a tenda ndi do sokou humela murahu u rea hafhu. Ndi do humela murahu. Ndo, ndo Mu vhona."

⁷⁰ Vho vha na fulufhelo lihulu, nahone vha tenda na zwiñwe zweþhe, u swikela zwi tshi da fhaþa fhethu huhulu ha maswiswi. Mudzimu o vha a tshi khou ita mini? O vha a khou disa avho vhaapostola kha thulwi ya milora. O vha a tshi khou vha disa fhethu hune vha do vha vha do vha na lutendo lwavho lwo khwaþhisedzwa khavho.

⁷¹ Huno Petiro a ri, "Ndo—ndo Mu vhona a tshi ita madembe mahulu fhasi ngei Galileya. Fhedzi, oo, O edela ngei, o fa, nahone u a rothola, tshaloni! Ndi a tenda ndi do sokou tsa fhasi lwanzheni ano matsheloni nahone nda posa mbule, nahone nda sokou ya u rea. Kharwe ndi nga kona u lavhelesa seli ha lwadzhe, huno ndi do wanulusa. Ndi a humbula musi ndi tshi Mu vhona musi O ri lindela khunzikhunzini. Ndi a tenda ndi do sokou tsa fhasi."

⁷² Huno vhaapostola vha ri, "U ya divha uri ndi mini? Ndi a tenda ndi do ḥuwa na iwe." Oo, vho vha vha si na tshithu. Vho lila u swika maþo avho a tshi zwimba.

⁷³ Ri divha hani u fhira nga fhethu ho raloho! Ri divha hani! Roþhe ro ðowela izwo zwithu.

⁷⁴ Ndi a humbula musi ndi tshi ededza muñwe wa ndeme ngei tshaloni, nþha mathakheni a tshikwara ngei, a vhidzwaho Eastern, kana Walnut Ridge Cemetery. Ndo vhea hani lushie luþuku heneffo! Huno ndi tshi lila tshandani tsha mme, nda swikela, ndo lila u swika hune ndi sa tsha lila. Ndo ita zweþhe zwine ndo divha. U swika, ndi tshi dzhia tshigidi, u lingedza u divhulaya, ndo vha ndi kha tshifhinga tsho tou raloho. Huno ho vha hu kha iyo awara, ngomu kha iña rumu thukhu nþha hafho, magonani anga, hune Maþadulu o vulea murahu, nahone nda mu vhona o ima heneffo kha u penya ha u sa tsha fa. Ho vha hu

kha iyo awara he nda pfa zwanda zwawe zwi tshi da u mona na mahađa anga, a ri, "Bill, a u pfesesi. Ri khwiñe u fhira iwe."

⁷⁵ Ni a vhona, zwi dzhia u vhambwa. Zwi dzhia u sondwa ha luvha, u bveledza phefumu khalo. Zwi dzhia u sondwa ha vhutshilo, u wana zwa khwiñe khaho zwine zwa vha hone. Heyo ndi yone mbuno Yesu o tea u kwashekanywa, u bveledza zwe A vha a zwone. O vha a nga si ime phanda ha u vhambwa, a ri, "Maanda othe a re Tađulu na kha lifhasi o newa tshandani Tshanga." Fhedzi murahu ha u vhambwa, O vha a tshi nga ima nahone a ri, "Maanda othe a re Tađulu na kha lifhasi o newa tshandani Tshanga!" Fhedzi zwo ita mini? Zwo dzhia u vhambwa u thoma.

⁷⁶ Zwo dzhia u kwashekanywa na u dinalea ha vhaapostola. Vho vhona Mutshidzi wavho, Ene we vha mu funa, nahone vha Mu vhona na musi a tshi vusa vhafu u bva kha—u bva tshaloni. Vho Mu vhona a tshi ita izwo. Huno zwino elekanyani, "Heneffho O eđela, u a rothola, ngomu tshaloni, Ene muñe, ano matsheloni." Zwo dzhia mu . . .

⁷⁷ Havho vhatu vhe vha Mu vhona a tshi vula mađo a mabofu, vha Mu vhona o ima afho nahone a ḥalukanya ngelekanyo nthihi dze dza vha dzi mbiluni dza vhatu, "O divha hani," vho vha vha tshi do ri, "uri avho vhe vha vha vha tshi khou Mu sala murahu? O zwi divha hani? Ndi ngani A so ngo divha Yudasi, Yudasi u do—u do Mu fhetä? Ndi ngani A so ngo divha uri masole o vha a tshi khou da n̄ha thavhani afho, na zwithu na mabanga na zwiñwe zweithe, u Mu fara, arali A tshi nga ḥalukanya ngelekanyo dzavho?"⁷⁸

⁷⁸ Ni a vhona, diabolo o vha a tshi khou shuma khavho, a tshi khou vha vhea kha thulwi ya miłora, ngauri vho vha vha tshi khou ḥoda u vha nea vhužanzi ha uri "Ndi a divha." (Hu si "Ndi a humbulela" kana "khañwe zwo tou ralo.") "Ndi a divha! Ndi a divha!"

⁷⁹ Huno humbulani, heyo milingo i diswa kha iñwi nga ndila nthihi, uri ni sa ri, "Zwo luga, khañwe Izwi ndi zwone, khañwe Luñwalo lu khou amba ngoho, khañwe phodzo Khethwa ndi yone, khañwe Muya Mukhethwa ndi wone." Fhedzi musi ni tshi wana hetsho tshenzhemo nahone na bva kha thulwi ya miłora, nahone na wana nzumbululo ya Mudzimu, nga ndovhedzo ya Muya Mukhethwa, ni nga kona u huwelela, "Ndi a divha! Murengululi wanga u a tshila, ngauri Utshila ngomu hanga!"

⁸⁰ Peđiro o ri, "Ndi do ya u rea." Vhaapostola vho ri, "Ndi a tenda ndi do sokou ḥuwa na iwe." Huno heneffho vha vha kha thulwi ya miłora yavho, fhasi heneffho vhukati ha lwanzhe, na khakhathi dzi tshi khou itea nga ndila ye zwa vha zwi ngayo. Huno ndi a kona u pfa muthihi wavho a tshi ri, "Oo, zwi nga itea hani, Peđiro? Zwi nga tou vha tshithu tsha hani uri Muthu a nga ho uña a fe? Hani A tshi nga iswa tshaloni nga ndila ye A

iswa ngayo? A nga ima hani A vha tendela vha tshi Mu pfela tshifhaṭuwoni na u kokodza ndebvu, vha vhea ila khare kha ṭhoho Yawe? A nga ita hani izwo, oo, huno a vha a Mudzimu? Ndi tou vha ndi sa zwi pfectesesi.” Oo, u nyamiswa ha hani!

⁸¹ Huno nga u tou ṭavhanya, vha lavhelesa khunzikhunzini, lushaka luthihi lwa nzumbululo ye Yobo a i wana, heneffho vho vhona zwe Yobo a vhoneala phanda kha miñwaha ya zwigidi zwiña. Heneffho ho vha ho ima Murengululi, a tshi tshila nahone a wāvhudi, o ima kha khunzikhunzi. Na mulilo wo vhaswa, na khovhe ya bikwa khawo vhunga izwo, nahone a ri, a vha ramba.

Yesu u na ṭafula yo andadzwaho
Hune vhakhethwa vha Mudzimu vha kanzwa,
U ramba vhathu Vhawe vhe a vha ḥanga “Idani
ni le,”

Nga mana Yawe U a kanzwa
Nahone a bveledza ṭhodea iñwe na iñwe yashu;
Oo, ndi, zwavhudu u la na Yesu tshifhinga
tshothe!

Ri nga elekanya hani izwo, uri zwo dzhia hani zwila zwithu zwihiulu!

⁸² Hani uri vha...Paulo wa muapostola, ula muapostola muhulu we a fhira kha tshifhinga tshawe tsha mañupho musi a tshi ṭanziela lufu lwa Siñefane; nahone a vhona tshifhaṭuwu tshawe tshiṭuku tshi tshi lavhelesa Tađulu, na matombo a tshi khou mu rwa kha tshifhaṭuwu, huno a lavhelesa n̄tha nahone a ri, “Ndi vhona Mañadulu o vulea. Ndi vhona Yesu o ima kha tshanda tshaula tsha Mudzimu.” A ri, “Murena, u si vheye itshi tshivhi khavho.” Huno Paulo o fara dzinguvhlo, hezwo zwo mu vhea kha dzivhege na dzivhege kha thulwi ya milora, a tshi tshimbila a tshi ya murahu na phanda; u swikela, muhumbulo wawe wo tshikafhadzwa, u swikela a ndilani yaye ya u ya Damasika, u lingedza u lwa na ndila ya u bva khazwo, vhunga muthu a tshi khou ya kha bodelo la wisiki, u lingedza u n̄uvhedza ḥupho lawe.

⁸³ O vha a vhukati ha izwo, musi hu tshi da Ipfi u bva Tađulu, Tshedza tshihulu tshi penyaho tsha ri, “Saulo, Saulo, ndi ngani u tshi Ntovhola?” O Mu vhona. O Mu limuwa, uri O vha a Yesu o vuwaho, Ene we a mu ṭanziela a tshi fa, o vha o vuwa hafhu.

⁸⁴ Oo, ndi a kona u humbula vhutshilo hanga nñe muñe, ndilani ya u ya kha tshinyalo, musi ndi tshi pfa Ipfi la vhudi, “Ndi nñe Yesu. Ndo vha ndo fa, Ndi a tshila u ya nga hu sa fheli. Ngauri Ndi a tshila, ni nga tshila-vho.” U bva itsho tshifhinga, ndi tshi vhea tshanda tshanga kha Tshawe, ndo Mu fulufhela fhethu ha swiswi. Musi zwifhinga zwi tshi da zwine a thi koni u vhona, uri ndi ifhio ndila ine nda khou tshimbila, ndi kha di Mu fulufhela.

⁸⁵ Mutendi muñwe na muñwe wa Mukriste u tea u hwihiwidzelwa kha heyo milingo. Mutendi muñwe na muñwe

wa Mukriste u tea u vhewa kha thulwi ya miłora, uri a vhe na tshenzhemeo, "Ndi a divha Murengululi wanga u a tshila!"

⁸⁶ A ri di fhano ano matsheloni u sokou dzula ra amba nga ha mishumo ya divhazwakale, zwine zwothe ndi ngoho, fhedzi ri da fhano na vhuțanzi matsheloni ano, "Ndi a divha uri Yesu Kristo ndi Murwa wa Mudzimu, ndi a zwi divha ndi sa timatimi na zwițukutuku! Ndi a divha uri O vuwa vhafuni, nahone U tshila ngomu hanga namusi. U wanga nahone ndi Wawe. Nne ndi mulaifa Nae, kha Muvhuso wa Mudzimu."

⁸⁷ Paseka! Paseka i disa tshithu tshihulwane, mvuwo, fulufhelo liswa. Naa no i wana ano matsheloni? Naa i mbiluni yanu? Naa ni a divha uri Murengululi wanu u a tshila, nahone U ita uri zwothe zwi shumisane?

⁸⁸ Ni ri, "Mukomana Branham, ndo dzula fhano, ndo lindela muduba wa thabelo."

⁸⁹ Mudzimu u khou shumisa izwo u itela zwivhuya. Ndi ngani ula mutukana muțuku wavhudzi, linwe ćuvha, o rwiwa a pofula musi a tshi bebwa? Uri Mudzimu a wane vhugala nahone a dzinginyise dorobo i ye ntha na fhasi. Ngoho-ngoho, Mudzimu u a divha zwine A khou ita. Mudzimu u a divha. Huno U a ri vheya kha thulwi ya miłora, u itela uri a ri sumbedze vhugala Hawe.

⁹⁰ Ngauralo, ano matsheloni ndi amba izwi, khonani. Murahu ha miňwaha ya furaru-nthihi ya vhushumeli, murahu ha miňwaha ya furaru-nthihi ya thambulo ya mudavhi, ndi khou toda u ita vhuțanzi hanga kha hezwi. Ndo no vhona u nyamiswa. Ndo no vhona tshifhinga tshire ndo humbela zwithu, na u lilela zwithu, na u luvhelela zwithu, nahone nda balelwa u zwi wana. Fhedzi arali nda tou lindela nga u konđelela kha Mudzimu, zwenezwo ndi a divha uri zwi do shumisana zwone, zwa bvelela zwone, zwa ita tshithu tshone kokotolo.

⁹¹ Musi ndi tshi lozwa lushie lwanga, Sharon muțuku wanga, ndo... hetsho tsho vha tshiňwe tsha tshithu tsho nkhukhulaho. Nda ri, "Izwo zwi nga vha hani u itela zwivhuya? Zwi nga vha hani u itela zwivhuya?" Huno ho no fhela nwedzi, musi ndi tshi mu vhona o ima fhaļa kha lunako lwothe lwa musidzana muțuku, a tshi khou amba na nne, o ima nga thungo ya ila gariki ya kale yo kwashkanelaho fhasi, henefhaļa. Ndo zwi divha, arali o vha o tshila, khańwe o vha a tshi do ita zwo khakheaho. Mudzimu o tea u mu dzhia musi a tshe mutete nahone wavhudzi. Ndi a divha uri ndi do mu vhona hafhu. Ndi a divha uri ndi do mu vhona, ndi a zwi divha ndi sa vhuyi nda timatima.

⁹² Ndi humbula nga mufumakadzi wanga wa miňwaha ya fumbili-mbili, o dzhiwaho, a tshi kha di tou vha musidzana, mme muțuku afho. Musi mabammbiri a tshi nea ćhoho dza mafhungo hafha, "Mme muțuku, wa khuliso..., u kha di tou bva u lovha," oo, mbilu yanga yo phopha hani! A tho ngo divha uri ndi ite mini.

⁹³ Fhedzi ḥamusi ndi a divha uri zwothe zwe vha zwi tshi khou shumisana u itela zwivhuya zwanga. Ndi a divha uri vhutshilo vhu tea u vha luvhande, na u dzunguluswa, na u kwanyeledzwa, u bvisela hezwo zwiñe zwa vha khaho, nn̄da. Ho vha hu na Branham munzhi ngomu afho, o tea u kwanyeledzelwa nn̄da phanda ha musi Mudzimu a tshi divhonadza Ene muñe.

⁹⁴ Ho vha hu na vhunzhi hanu ngomu hanu, u swikela Mudzimu a tshi tea u zwi kwanyeledzela nn̄da, nga kha milingo. Huno musi uho u kwanyeledzwa hu tshi da, zwi a kond̄a. Fhedzi hu si kale, lutombo lu a bvela khagala, zwenezwo na vhona ndivho ya Mudzimu. Zwenezwo na lila, “Ndi a divha Murengululi wanga u a tshila, nahone mađuvhani a vhufhelo U do ima kha lifhasi! Naho dzimbungu dza lukanda dza tshinyadza uno muvhili, fhedzi ḥamani yanga ndi do vhona Mudzimu!” Heyi milingo miłuku na zwithu zwi tou vha zwa tshikhathinyana, nahone zwi a fhela na u fhira. Fhedzi zwi itwa u itela zwivhuya zwañu, ri humbule izwo, uri Mudzimu a wane vhugala.

⁹⁵ Ri nga kwatamisa ḥoho dzashu lwa tshikhathinyana. Ndi khou ḥoda u vhudzisa, phanda ha thabelo, naa u hone afha ane a tama u humbulwa kha ipfi la thabelo phanda ha musi ri tshi vala? Mudzimu a ni fhaṭutshedze. Ndi vhanganā ngomu afha vhane vha do ri, “Ndi khou ḥoda Mudzimu, kha awara ya mulingo wanga zwino, u nea nne tshenzhemo tshiswa, uri ndi vhe muswa hafhu”? Imisanī tshanda tshañu, ni ri, “Ndi khou ḥoda—ndi khou ḥoda hezwi zwi tshi vha mvuwo kha nne, Paseka, u vusa nne kha mafulufhelo ma swa na maanda maswa, mutakalo muswa na dakalo liswa.” Murena a ni fhaṭutshedze, vhatu vhanga vha funeaho.

⁹⁶ Oo, Mudzimu washu na Mutshidzi washu, ri a U livhuwa zwihiulu nga heyi Paseka, kha zwiñe ya amba mbiluni dzashu. Huno nga lutendo, n̄tha hangeyo, seli ha shango, ri a kona u vhona u Vhuya ha Murena, Yesu, sa musi A tshi khou dilugisela Ene mune zwino, a tshi khou ambara nguvho Dzawe dza vhuhosi. Huno, Tshivhidzo tshi khou ambara, Muhwe u khou Mu ambadza gaweni la mbingano. Hu khou lugela u vha na muṭangano muhulu hu si kale.

⁹⁷ Heyi thulwi ya milora i nga si ime lwa tshothe. Musi ri tshi khou pfa vhatu vha tshi khou sea, vha tshi tamba nga riñe, nahone vha tshi ri vhidza lia dzina li shonisaho la “vhavhumbuluwi-vhakhethwa,” na u tamba nga riñe, nahone vha tshi ri a ri ngo dzudzanyeya muhumbuloni, oo, a zwi nga do ralo tshifhinga tshothe, Murena. Fhedzi ri litshe ri nge sa Yobo, ri fare vhuñanzi hashu, ri litshe ri nge sa Daniele ngomu bakoni la dzindau, kana vhana vha Vhahevheru kha dzivha la mulilo, kana Abrahamu kha lwendo lwawe.

⁹⁸ Ri thusē, O Murena, uri ri ime lwa ngoho u swika ri tshi vhona tshithu tshihulwane tshi tshi itea, “Musi phalaphala i tshi do

lila, huno vho felaho kha Kristo vha do vuwa; riñe ri tshilaho nahone ra sala ri do shandukiswa, nga tshikhathinyana, nga u bonywa ha, līto.” Huno zwenezwo hu do da iyo Paseka u itela riñe, ye Kristo a diphina lwa miñwaha ya mañana a na fumi na tahe yo fhiraho matsheloni ano, huno a ri, “Ngauri Ndi a tshila, ni a tshila-vho.”

⁹⁹ “Hoyu Yesu muthihi, we a dzhiwa vhukati hashu, u do vhuya murahu nga ndila ye Ene a tuwa.” Ri do Mu vhona, na vhadzi liñwe na liñwe tshandani Tshawe na lufayo lwa mupfa muñwe na muñwe kha thoho Yawe. Ri do Mu vhona.

Oo, ndi do Mu divha, ndi do Mu divha,
Huno ndo rengululwa tsini Hawe ndi do ima.

¹⁰⁰ Ee, Murena, mbilu yanga i tungufhadzaho, sa musi uno muvhili wanga u balelwaho u tshi thoma u govha phasi ha muhwalo, u londana na thambulo ya khanø ya dzitsimu, dzitsimu dza mushumo, na u tsa ndi tshi gonya, na u fhambana vhukati ha vhashumeli vha sa pfi, na zwiñwe-vho, u mona na fhethu, na vhathu vha tshi khou nyefula, na maanda mavhi. Fhedzi, O Murena, liñwe ñuvha ri khou da sa Eliya, phasi mulamboni; ra lavhelesa n̄ha afho, ra lavhelesa kha tshiñtaka tshiñwe na tshiñwe, goloi ya mulilo ine ya do ri hwala. Ri litshe ri divhe uri hedzi dzithulwi dza milora dzi tou vha luvhemba fhedzi lwa uri dzumba kha tshithu tshihulu tsho imaho phanda hashu, vhuña vhugala vhuhulu.

¹⁰¹ Ngavhe ri tshi dzula ri vha ngoho sa Yobo, u swikela ri tshi kona u Mu vhona, ro livhana tshifhañuwo. Ngavhe ri tshi vha vha ngoho vhunga Murena washu o ralo, sa tsumbo yashu, u ya kha Khalivari; na riñe-vho, ro lugela u vhambwa, nahone ri vhambwe Nae, uri hu kone u vha na mvuwo vhutshiloni hashu. Zwi tendele, Murena.

¹⁰² Ngavhe, arali hu na muñwe munyefuli fhano, we a vha a tshi nga Paulo wa kale, we a tambwa ngae, ngavhe vha tshi wana Paseka ndilani dzavho dza u ya hayani ano matsheloni. Zwi tendele, Murena.

¹⁰³ Ri a rabela, Murena, uri avho vhane vha vha kha thulwi ya milora ya tshinyalo, thulwi ya milora ya malwadze, uri heyi i vhe awara ine vha do phuluswa.

¹⁰⁴ Vhusiku ho fhiraho, ndi tshi khou amba na musadzi muñuku nn̄da kha gariki, na munna wawe; uri hani n̄ha Phoenix, kha nyimele ya shishi, nahone dziña dzipfuko khulwane dzo dzula khavho, huno zwino ñamusi o fhola lwo khunyelelaho nahone o dzudzanya. Huno lushie luñuku lwe mbilu yalwo yo vha i tshi khou ya u bviswa, lwo dzula fhano tshifhañoni matsheloni ano, lwo dzudzanya, lwo fhola. Mutukana muñuku wa bofu we a vhuya a tshimbila kha swiswi nahone a sa athu u vhona tshedza tsha ñuvha, u a tshimbila ñamusi nahone u a vhona tshedza tsha ñuvha. Huno, O, Mudzimu, ri U livhuwa hani kha izwi! Huno

zwothe zwi khou sedza seli ha lupila, kha ilo duvha lihulu la mvuwo. Zwi tendele, Khotsi. Huno u vha litshe vha divhe uri hezwi zwithu zwi tea u vha nga yevo ndila, uri hezwi: mutukana mułuku wa bofu a nga vhona, uri nwana mułuku a na thaidzo ya mbilu a kone u nga nea vhuțanzi kha vhańwe. Zwothe hezwi zwithu zwi shumisana u itela zwivhuya kha avho vha U funaho.

¹⁰⁵ Zwothe zwe itwa uri zwi konadzeye kha riñe ngauri ho vha hu na Muthihi we a dìtukufhadza milingoni, ho vha hu na Muthihi We a imela mulingo, hoyo o vha a Yesu. Muthihi We a vha a wa u dìtukufhadza kha Khotsi, u swikela Khotsi vha tshi Mu vusa nga matsheloni a Paseka, ngauri zwe vha zwi sa konadzei uri A farwe nga lufu. “Ngauri A thi nga tendeli Mukhethwa Wanga Muthihi a tshi vhona u sina, nahone A thi nga litshi maya Wawe heleni.” Ngauri, O wańwa a wa u fulufhedzea, a tshi dzulela u ita izwo zwi takadzaho Khotsi.

¹⁰⁶ Mudzimu, ngavhe ri tshi dzulela u fulufhedzea kha vhuimo ha mushumo. Hu si na ndavha uri milingo yashu na mathada ashu a vha zwone, tshińwe na tshińwe, ngavhe ri tshi kona uri, tshifhingga tshothe, “Ndi a divha uri zwithu zwothe zwi shumisana zwi tshi isa hvuhuya kha avho vha funaho Mudzimu.” Zwi tendele, Khotsi.

¹⁰⁷ Ri fhatutshedza avha vthatu matsheloni ano nga phatutshedzo Dzau. Vho da u ḥavhanya u bva fhethu havho, vho da thebarenakeleni. Vho da u wana khuthadzo. Ngavhe vha tshi ya hayani ano matsheloni, na Maanda a Muya Mukhethwa a tshi khou duga mbiluni dzavho, vha tshi khou tshimbila ndilani vhunga vhaļa u bva Emmausi, vha tshi ri, “Naa mbilu dzashu a dzi ngo duga ngomu hashu, musi A tshi amba na riñe ndilani?” Zwi tendele, Khotsi. Ndi vha kumedza kha Iwe zwino, nga Dzina la Murena Yesu Kristo. Amen.

Zwothe zwe luga, Mukomana Neville. Huno zwino ni humbule dzitshumelo.

¹⁰⁸ Ari nga vhi na garaća dza thabelo ano matsheloni, ngauri, arali ra vha na garaća dza thabelo, nda tou ita uri avho vthatu vha ime hafha vhunga hezwo, ndi do isa phanda na u dìtika nga ilo mpho. Ndi khou tea u swika fhethu hune nda vhetshela izwo kule, hune nda nga kona u tshimbila hafha nahone nda... ndi khou ofha. Ndi vhonala ndo tshenuwa, nahone ndi khou ofha uri ndi do ita phoswo. U kundwa kha khudano, a si u kundwa nndwa. Patton o kundwa kha khudano nnzhi, fhedzi ha ngo vhuya a kundwa kha nndwa. Izwo ndi zwone. Huno ri do kundwa khudanoni nnzhi, na riñe-vho, fhedzi a ri nga vhuyi ra kundwa kha nndwa. Ndi do ita phoswo nnzhi, fhedzi a thi nga lozwi Tshipikwa. Mudzimu o zwi nea, nahone Mudzimu u do zwi londola. Ndi—ndi ndodzo. Huno zwino ndi tshifhingga, ndi a tenda uri awara yo ralo, nahone ndi khou thoma, ili duvha ndi la Paseka, ndi tsini na u ya u—ya na u isa phanda sa zwe nda ita

fhalā ndi tshi rabelela vhalwadze. Huno arali nda kona . . . Ndi ndodzo. Ndi tshinwe tshithu tshine tsha khou tea u itea ngomu hanga. A tho ngo tshi ḫowela. Tshi ḫa nga iñwe ndila, khañwe a thi nga koni u tshi wanulusa zwone, fhedzi ndi khou tea u isa phanda khatsho u swikela ndi tshi tshi ḫivha tshifhinga tshoṭhe. Ngauralo heli li ḫo do vha ḫuvha line nda ḫo lingedza, nga tshilidzi tsha Mudzimu.

¹⁰⁹ Murena a ni fhaṭutshedze zwino. Mukomana Neville. Huno dzitshumelo dzi ḫo thoma nga hafu u bva kha awara ya vhuṭahe. Mukomana Neville.



Ndi A DIVHA TSV60-0417s
(I Know)
MULAEDZA WA PASEKA

Hoyu Mulaedza nga Mukomana William Marrion Branham, u rangani wo ḥnewa nga Tshiisimane nga matsheloni a Swondaha ya Paseka Ya u ṭavha ha ḫuvha, Lambamai 17, 1960, Thaberenakeleṇi ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org